



Te Kaupae 1 Te Reo Rangatira 2023

92076 Te whakamārama i ngā āhuatanga motuhake o
tētahi momo reo kua ākona

Ngā Whiwhinga: E 4

Kairangi	Kaiaka	Paetae
Ka tōtōpū te whakamārama i ngā āhuatanga motuhake o tētahi momo reo kua ākona.	Ka hōhonu te whakamārama i ngā āhuatanga motuhake o tētahi momo reo kua ākona.	Ka whakamārama i ngā āhuatanga motuhake o tētahi momo reo kua ākona.

HE TAUAROMAHĪ

No part of the candidate's evidence in this exemplar material may be presented in an external assessment for the purpose of gaining an NZQA qualification or award.

Tā te ākonga (Kairangi)


NCEA

Kaupae 1 Te Reo Rangatira, 2024

Paerewa 92076

Te tiro whānui ki te whakamātautau

TE REO



TE REO RANGATIRA 92076

Te whakamārama i ngā āhuatanga motuhake o tētahi momo reo kua ākona

Ngā Whiwhinga: E whā

NGĀ TOHUTOHU

He whakamātautau urupare ā-tuhi tēnei e kitea ai ōu nā pūkenga whakamārama i ngā āhuatanga motuhake i tētahi reo kua ākona.

Kia **KOTAHI** anake te urupare ā-tuhi.

1. Tīpakohia **tētahi** o ngā kaupapa tuhituhi e rima ki te taha matau.
2. Tīpakohia te momo rautaki reo ka whakamahia e koe hei tūāpapa mō tō urupare ā-tuhi.
3. Me hāngai te putanga, te urupare ā-tuhi ki te Kaupapa Tuhituhi me te momo tūāpapa (te momo reo) nāu anō i tīpako.
4. Kia kitea ai te **whaihua** o te reo whakamārama, me taunaki katoa ōu nā whakaaro ki ētahi tauira mai i te kōrero.

Ngā Kaupapa Tuhituhi (Tīpakohia tētahi)

- Whakamāramahia ōu whakaaro tuatahi mō tētahi kiripuaki i te kōrero. Matapakitia he aha i hirahira ai te whanaketanga o ōu whakaaro ki taua kiripuaki i te kōrero.
- Whakamāramahia tētahi whakaaro koi, tētahi kōrero nanakia rānei. Matapakitia ngā rautaki reo a te kaitito, he aha i pēnā ai te koi o te whakaaro, he aha hoki i pēnā ai te nanakia o te kōrero ki a koe.
- Whakamāramahia ngā rautaki i pai ai, i koretake ai rānei te hanganga o te kōrero. Matapakitia te aronga o te hanganga o te kōrero me tōna whaihua ki te kōrero.
- Whakamāramahia ētahi rautaki whakahirahira a te kaitito i te kōrero. Matapakitia te whakamahinga o aua rautaki me te pānga ki a koe.
- Whakamāramahia ngā whakaaro matua me ngā hiahia o te kaitito. Matapakitia ngā rautaki a te kaitito hei whakapoapoa i te kaupānui.

Te Momo Reo

Tīpakohia te momo reo ka whakamahia e koe.

He waiata koroua

Ki te whakamahi koe i tētahi momo reo anō, tuhia te momo reo ki konei.

He wāhi whakamahere whakaaro

(Kāore e mākahia ana ngā tuhinga i te pouaka māwhero nei)

B I U

TE TŪMAHI TUHITUHI

Tuhia tō urupare ki konei. Kia nui ake i te **250 kupu**, engari kia maumahara, he pai ake te kounga o te tuinga i te nui o te kupu. E mākahia ana āu nā tuhituinga i te pouaka ki raro iho nei.

Taunakitia ō whakaaro matua ki ētahi kōrero i ahu mai i ngā tauira o te momo reo kua tīpakohia e koe.

B I U     

Katahi te kaupapa whakahirahira ko tenei ara ko nga moteatea, te maha hoki o nga momo moteatea e mohio whanuitia e tatou rite ki te oriori, patere, apakura, tangi ahara ahara engari ko te momo moteatea ka arohahai e au he waiata tangi ara ko 'Rewa ake ana a Kopu.' I titoa e Tenga Rangitauira i te tau 2014 mo tona papa a Rawiri Rangitauira kua riro ki te kupenga o Taramainuku. Ko Rawiri Rangitauira te hoe-akau o Takuta Cathy Dewes te tumuaki o toku kura ko 'Te Kura Kaupapa Maori o Ruamata' tera, na, he pu-korero a Rawiri mo tona iwi, hapu ano hoki, ara ko Ngati Whakaue. Ko tetahi mahi runaruna i tino ngakaunuitia e Rawiri ko te waka ama.

Na, e wha katoa nga whiti o te moteatea nei, i te whiti tuatahi ka korerohia e pa ana ki ta Tenga Rangitauira ohonga, i pangia e ia i nga haumataratara o Hine-takurua i tona kitenga o Kopu e ara mai ana i te rangi. I te whiti tuarua ka korero mo te makau o Rawiri a Takuta Cathy Dewes, na tona mamae he rite mena e toromi ana e ia i roto i ona roimata. I te whiti tuatoru ka whakaputaina e Tenga i ona karearoto, na te whakahanumitanga o te pouri ka puta ai a Tumatauenga na te riri, na nga korero whakahahani a te niupepa, nga mahi tinihanga, me nga mahi huhua i roto i nga tau kua hipa. I te whiti whakamutunga ka poroporoaki a Tenga i tona papa ki te awa e rere ana i Ngongotaha, ma te whenua o Waikuta, a, ki te puwaha o te awa, ara ko Ahipukahu te ingoa, ki te kainga o Rawiri. Engari ki nga whiti e wha, ka whakamahia e Tenga i te 'waka ama' hai kauwaka kawae i ona whakaaro.

Ara noa atu nga tuahuatanga o te moteatea penei i te 'Reo moteatea, te kupu whakarite me te kupu whakatangata.' Na, uia mai te patai, he aha te 'kupu whakatangata' ko te kupu whakatangata he rerenga korero e whakataurite ana i nga tuahuatanga e rite ana ki te tangata hai tauira, ko tenei rerenga "Na Pukepoto e rahiri ana", he hiwi a Pukepoto o runga o Ngongotaha, ko reira te rua-koiwi o te whanau o Rawiri. Na, e mea ana a Tenga e rahiri ana ona tupuna, ona maunga, awa, marae i a ia kia purea e ia e nga hau a Tawhirimatea, kia kapo e Taramainuku i a Rawiri ki roto i tona kupenga. Na, kia whakairi ahau i te 'kupu whakatangata' ki ko, ka tikina e au inaiane te 'kupu whakarite' hei arohahai e au. ko te kupu whakarite he whakataurite i tetahi mea hai whakamarama i tetahi mea penei i te 'hoe-akau, hoe-piripiri' hai kai hautu i tona makau. Na, ko te 'hoe-akau' te hoe matua a te kaiurungi o te waka, ko te 'hoe-piripiri' te hoe taarua a te kaiurungi. I te ngarohanga o te makau o Takuta Cathy Dewes e kore tona poutuara, e kore tona hoe-akau, hoe-piripiri ranei hai kai tautoko, kai arahi i a ia.

Hai whakatepe i aku nei korero ka whakamaramahia e au i tetahi whakatauaki i whakamahia e Tenga i roto i tenei moteatea, ara ko "Kua taka te urunga o Kearoa" he whakatauaki na tetahi no runga i te waka o Te Arawa, ka whakamahia ina raru ai tetahi tangata, kaupapa ranei. He whakatauaki tenei kua whakamahia e Tenga hai whakaatu i te raru nui, te pouri nui i pa ki tona mama i te rirohanga o tona makau ki te kupenga o Taramainuku, a Rawiri Rangitauira.

601 WORDS

Kairangi

Te Wāhanga Ako: Te Reo Rangatira

Te Paerewa: 92076

Te Maaka: 08

Te Tūmahi	He Pitopito Kōrero
Tuatahi	I tōtōpū te whakamārama i ngā āhuatanga motuhake o tētahi momo reo kua ākona. I matapakihia rawatia ngā āhuatanga motuhake o te momo reo. I whaihua āna mahi mō te reo mōteatea, arā ko Rewa ake ana a Kopu, i titoa e Tenga Rangitauira.

TE TŪMAHI TUHITUHI

Tuhia tō urupare ki konei. Kia nui ake i te **250 kupu**, engari kia maumahara, he pai ake te kounga o te tuinga i te nui o te kupu. E mākahia ana āu nā tuhituhinga i te pouaka ki raro iho nei.

Taunakitia ō whakaaro matua ki ētahi kōrero i ahu mai i ngā tauira o te momo reo kua tīpakohia e koe.

B I U     

Ko te ingoa o taku pakikīrehe ko **Te Mako me te Tāmure**.

I tito e au i tēnei pakikīrehe i taku akomanga Te Reo Rangatira.

E rua ngā kiripuaki i taku pakikīrehe, He Mako ,ā, he Tāmure hoki. I tāiamiki ana te Tāmure i te Moana-Nui-a-Kiwa kātahi ka kite te Tāmure i tētahi Mako e rere ana i te wai. Kei te pūhaehae te Tāmure i te nui o te tinana, i te koi o ōna niho, i tana āhua, i te kaha hoki o te Mako. Nā tēnei ka whakaaro te Tāmure he koretake ia me te aha, e pīrangi ana ia te tini i tana āhua kia ōrite ki te Mako.

I tīpako ahau i te Tāmure hai kiripuaki nā te mea he ika iti. Ehara i te mea he ika kaha, he māma hoki kia kapohia e ngā tāngata hī ika. He ika iti, he ika ngoi kōrero heoti anō he maha kē ngā pūmanawa me ngā pūkenga o te Tāmure. Hai tauira inā te ataahua, inā te rerehua rirere o ngā (scales) o te Tāmure. Te māwhero ka piataata, ngā tae māwhere rerekē e whakapuaki i te ataahua o te Tāmure. Kāre te Tāmure e kite ana i ōna pūkenga heoi hei te wā ka kite.

Ki te taha Mako he nui, he koi ōna niho, he kaha hoki ia nā reira mārake ana te kite he aha te Tāmure i pūhaehae ai ki te Mako. Me kaua te ika e tino pūhaehae ki te kore ka rerekē ia me te aha, ka huri te Tāmure hei Mako, **Kia mau ki tō mana āhua ake**. Ko te whakapākehātanga o tēnei whakatauki (Cherish your uniqueness) Me tū te Mako hai tauira mō te Tāmure kia mōhio pai ia "He pūmanawa ōu, he pūmanawa ōku ahakoa tērā me whanake ōu pūmanawa kia puāwai." Ko te whakatauki o taku kure "Poipoia o tātou pūmanawa"

Ko tētahi take anō i kōwhiri e au i te tāmure hai kiripuaki nā te mea he honongā tēnei pakikīrehe ki tāku e tipu ake ana. I ahau e tipu ake ana ehara i te mea he nui ōku pūmanawa me te aha, ka whakaaro au he ngoikore. Hai tāku tuakana ki ahau "Ahakoa te aha koke tonu." Nā taua kōrero i koke tonu ahau ,ā, kua tipu ake au me te whai i aku wawata. I whakamahi au i aku wheako hai kaupapa mō taku pakikīrehe ko te Tāmure ko ahau ,ā, ko te Mako ko taku tuakana.

He rarū ā-roto tēnei pakikīrehe nā te mea kei te pūhaehae te Tāmure i te Mako. Ehara i te rarū ā-waho he rarū ā-roto kē. Ko te rarū kei tana hinengaro te rarū ,ā, me whai rautaki kia tau ai me te wehe atu te pūhaehae. Kua mutu.

464 WORDS

Kaiaka

Te Wāhanga Ako: Te Reo Rangatira

Te Paerewa: 92076

Te Maaka: 06

Te Tūmahi	He Pitopito Kōrero
Tuatahi	I hōhonu te whakamārama i ngā āhuatanga motuhake o tētahi momo reo kua ākona, arā ko te reo pakikīrehe. I whakaahua i ngā āhuatanga motuhake o te momo reo mō te Mako me te tāmure. I whānui hoki tana māramatanga ki te momo reo i kitea. Ka mutu, i whaitake te reo whakamārama.


Tā te ākonga (Paetae)

NCEA Kaupae 1 Te Reo Rangatira, 2024

Paerewa 92076

Te tiro whānui ki te whakamātautau

TE REO



TE REO RANGATIRA 92076

Te whakamārama i ngā āhuatanga motuhake o tētahi momo reo kua ākona

Ngā Whiwhinga: E whā

NGĀ TOHUTOHU

He whakamātautau urupare ā-tuhi tēnei e kitea ai ōu nā pūkenga whakamārama i ngā āhuatanga motuhake i tētahi reo kua ākona.

Kia **KOTAHĪ** anake te urupare ā-tuhi.

1. Tīpakohia **tētahi** o ngā kaupapa tuhituhi e rima ki te taha matau.
2. Tīpakohia te momo rautaki reo ka whakamahia e koe hei tūāpapa mō tō urupare ā-tuhi.
3. Me hāngai te putanga, te urupare ā-tuhi ki te Kaupapa Tuhituhi me te momo tūāpapa (te momo reo) nāu anō i tīpako.
4. Kia kitea ai te **whaihua** o te reo whakamārama, me taunaki katoa ōu nā whakaaro ki ētahi tauira mai i te kōrero.

Ngā Kaupapa Tuhituhi (Tīpakohia tētahi)

- ☒ Whakamāramahia ōu whakaaro tuatahi mō tētahi kiripuaki i te kōrero. Matapakitia he aha i hirahira ai te whanaketanga o ōu whakaaro ki taua kiripuaki i te kōrero.
- ☐ Whakamāramahia tētahi whakaaro koi, tētahi kōrero nanakia rānei. Matapakitia ngā rautaki reo a te kaitito, he aha i pēnā ai te koi o te whakaaro, he aha hoki i pēnā ai te nanakia o te kōrero ki a koe.
- ☐ Whakamāramahia ngā rautaki i pai ai, i koretake ai rānei te hanganga o te kōrero. Matapakitia te aronga o te hanganga o te kōrero me tōna whaihua ki te kōrero.
- ☐ Whakamāramahia ētahi rautaki whakahirahira a te kaitito i te kōrero. Matapakitia te whakamahinga o aua rautaki me te pānga ki a koe.
- ☐ Whakamāramahia ngā whakaaro matua me ngā hiahia o te kaitito. Matapakitia ngā rautaki a te kaitito hei whakapoapoa i te kaipānui.

Te Momo Reo

Tīpakohia te momo reo ka whakamahia e koe.

He waiata

Ki te whakamahi koe i tētahi momo reo anō, tuhia te momo reo ki konei.

He karikia

He wāhi whakamahere whakaaro

(Kāore e mākahia ana ngā tuhinga i te pouaka māwhero nei)

B I U ☰ ▼ ☷ ▼ ↶ ↷ ?

Paikea - Kahutia-te-rangi
Waiata - Paikea

Uhia mai koea whakahua tiake ko wai te whare nei e ko Te Kani! ko wai te tekoteko kei runga ko Paieka, ko Paieka a hī!, whakakau Paieka a hī! whakakau he tipua a hī! whakakau he taniwha e ahu Paieka ki Ahuahu pakia, kei te whiti a koe ko Kahutia-te-rangi, e ai to ure ki te

tamahine a Te Whiro nui, nanai noho te rotokā hi aue aue
e kohuru koe

TE TŪMAHI TUHITUHI

Tuhia tō urupare ki konei. Kia nui ake i te **250 kupu**, engari kia maumahara, he pai ake te kouna o te tuinga i te nui o te kupu. E mākahia ana āu nā tuhituhinga i te pouaka ki raro iho nei.

Taunakitia ō whakaaro matua ki ētahi kōrero i ahu mai i ngā tauira o te momo reo kua tīpakohia e koe.

B I U     

Uhia mai koia whakahuatia ake ko wai te whare nei e ko Te Kani! ko wai te tekoteko kei runga ko Paikea, ko Paikea a hī! whakakau Paikea, whakakau he tipua, whakakau he taniwha e ahu Paikea ki Ahuahu, kei te whiti a koe ko Kahutia-te-rangi, e ai to ure ki te tamahine a Te Whiro-nui nānā noho te Rotokā hī aue, aue e kohuru koe toro e!

Koia nei te waiata e pā ana ki a Paikea, ko ōku nei whakaaro mo tēnei kiripuaki he tino rangatira aia, ko te take e whanaketanga ōku whakaaro ki tēnei kiripuaki i te wā i tarae a Ruatapu te tama meamea ki te whakamate i a Kahutia-te-rangi, ā, i hoea atu rātau te hokowhitu ki runga waka ki roto i te moana, kīhai rawa i mōhio ki te whakaaro kōhuru a Ruatapu. Kātahi ka tahuri rātau, tīrotirohia te wai ki tō rātau waka, ā, kei raro kē ia i te waewae o te kaikōhuru rā, a Ruatapu. Kīhai roa ka tahuri te waka, kātahi a Ruatapu ka whakatika atu, ka rumakina, ka mate tēnei tāngata, tērā tāngata. Ka mōhio a Hae-ora ka mate katoa rātau i a Ruatapu, nō reira ka karanga atu ia ki a Kahutia-te-rangi ki haere rā ia ki uta. Engari ka mate katoa ngā tāngata, Ruatapu hoki, kātahi ka whakaāhuru a Kahutia-te-rangi i a ia, kei mate ia i te matao. Mā Kahutia-te-rangi te karikia whakaāhuru mo Ruatapu. Kātahi ka karanga atu e ia ki ngā pakake hei kawē i a ia ki uta, ka tapaa tōna ingoa ko Paikea mo tana whakapakakētanga. Ko te karikia whakaāhuru tēnei a Paikea mōna:

Ka hura, ka hura, ka hura tū moana riri,
Ka hura tū moana kore, ka hura tū moana uha,
Tere ana te ika i te moana, he tipua reia ana whakaea.
Whakahotu nuku, whakahotu rangi,
He poupou, he taketake, he huru manu, he ropihau.
Ko taku manawa, ko tō manawa,
Te manawa nui nō Rangi.
Ko hou tina, ko hou manawa.
Tēnei te rango ka eke, te rango o Hou-taiki,
Rango tatu, rango tatu, rango tatu, rango tatu,
Kataina te hau makariri,
Te hau mātaotao, te anuanu, te ahuhea.
Tāne koi wetewetea e koe, pua o aituā,
Tāne koi wetewetea e koe, pua o tangata,
Kia puta, kia rea ki te whai ao, ki te ao marama.
Tangohia te iho nei, he ao.

Kātahi tērā ka karanga ki ngā pakakē. Ka mutu rā te whakaāhuru a Paikea, ka kite tērā i ngā pakakē.

Nō reira ko te take e hirahira ai te whanaketanga o ōku whakaaro ki a Paikea, he tino rangatira aia.

436 WORDS

Paetae

Te Wāhanga Ako: Te Reo Rangatira

Te Paerewa: 92076

Te Maaka: 04

Te Tūmahi	He Pitopito Kōrero
Tuatahi	I pai tana whakamārama i ngā āhuatanga motuhake o tētahi momo reo kua ākona, me te reo kōrero mō Paikea. I tautohu i ētahi āhuatanga motuhake o taua momo reo, ā, i whakaatu māramatanga ki te momo reo. Ka mutu, i pai te reo whakamārama.